

6.	† Sier Zuam Moro, è capitano zeneral im Po, <i>quondam</i> sier Antonio	110. 80
10.	Sier Giacomo Marzelo, fo capitano a Baruto, <i>quondam</i> sier Zuanne.	105. 87
4.	Sier Almorò Pixani, fo vicecapitano al collo, <i>quondam</i> sier Hironimo	45.145
13.	Sier Trojam Bolani, fo soracomito, <i>quondam</i> sier Hironimo	92.102
7.	Sier Pexaro da cha da Pexaro, fo soracomito, <i>quondam</i> sier Francesco	40.151
1.	Sier Alexandro Badoer, fo soracomito, <i>quondam</i> sier Zuan Gabriel.	28.164
14.	Sier Giacomo Michiel, <i>quondam</i> sier Biaxio, fo patron al Zaffo.	40.150
3.	Sier Andrea Bondimier, fo capitano in Alexandria, di sier Zano	102. 90
12.	Sier Marco Loredan, fo capitano di le galie bastarde, <i>quondam</i> sier Antonio, cavalier, procurator	29.157
22.	Sier Michiel Morexini, è sopracomito, di sier Piero	50.135
16.	Sier Alvixe Zorzi, è ai X officij, <i>quondam</i> sier Antonio, el cavalier	92. 94
5.	Sier Alexandro da cha' da Pexaro, fo capitano in Cadore, <i>quondam</i> sier Nicolò	65.120
418* 11.	Sier Bernardim da cha' Tajapiera, fo sopracomito, <i>quondam</i> sier Zuane.	25.167
2.	Sier Zuan Maria Mudazo, fo capitano di le barche armade, <i>quondam</i> sier Marco	33.138
20.	Sier Anzolo Orio, fo soracomito, <i>quondam</i> sier Hironimo	47.140
19.	Sier Antonio Arimondo, fo soracomito, <i>quondam</i> sier Nicolò.	45.147
	Non. Sier Francesco Arimondo, è patron a l'arsenal, <i>quondam</i> sier Nicolò	
	Non. Sier Domenego Capello, è patron a l'arsenal, <i>quondam</i> sier Carlo	

Noto. In questo pregadi, con grandissima credenza, fo leto alcune letere, intercepte per stratioti, et mandate qui a la Signoria per sier Andrea Griti, provedador zeneral, qual sono di domino Vito Rayner, orator cesareo a la corte di, drizate a l'imperador. Li avisa la restitution di Modena, fata per il papa; e come, zercha l'acordo, la Signoria va a bon camin, *excepto* di Verona, et vol conzar con danari; et che è bon che lassi governador a Modena el signor Marco Antonio Colona, per suo nome, et che domino Matheo Lanch, episcopo curzense; vengi dal papa. Et scrive contra francesi; e altre particolarità, *ut in litteris*, qual erano in zifra et è stà trate. *Item*, altre letere, che 'l scrive a ditto Lanch, solicitando la sua venuta. *Item*, manda la copia di la commission a l'orator nostro, sier Hironimo Donato, zercha l'acordo da esser fato con l'imperador per mezo dil pontifice, *ut in ea etc.* *Etiam* sono altre letere, qual non si à potuto ancora trazer la zifra.

A dì 15. La matina. O fu di novo; *solum* letere di sier Alvise Arimondo, va orator al turco, di 28 zener, di là da Liesna. Dil suo navigar, et va al camin suo *etc.*

Fo publichà in Rialto, da parte de li procuratori electi sora le pompe, una parte di ordeni *etc.*, et publichato tutti la debbi oservar, e far oservar a le done, sotto le pene da esser *inviolabiliter* observe (1). *Item*, fo publichà la parte, prèsa *alias* nel consejo di X, zercha il zuogar, e redursi più di 4 insieme, e lochi dove si zuoga, sotto le pene, *ut in parte*. La qual parte feze alquanto di moto di molte caxe de zentilhomeni, che si reduse a zuogar non molti danari, ma stanno insieme; *adeo* si vardano, et questa sera, justa il solito, non si reduseno a zuogar.

Da poi disnar fo consejo di X con la zonta. Et fu fato il parenta' di la fia di sier Hironimo Grimani, di sier Antonio, procurator, maridà in sier Zacaria Vendramin, da Latisana; el qual eri sera si senestrò la gamba, montando in barcha, e non fu a questo parentà. Tutti perhò vestiti di negro, e la noviza senza alcuna pompa, ma la prima a oservar le leze e parte di devedar le pompe di le donne.

In questo consejo di X con la zonta fu prèso 419 parte, atento li sopracomiti, qualli si oferseno al prefato consejo di X de armar, par siano renitenti, che tutti quelli, che manca, debano, in termene de zorni 8, esser andati a l'arsenal, e aver tolto le sue

(1) Vedi il proclama (col. 796 e segg.), che porta, probabilmente per errore tipografico, la data del 4 febbraio.